



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де үнүп
эглээн

№ 57 (17194)

2006 чылдың
МАЙ 30,
вторник

Номерни парлагже
дужааганы:
график езугаар – 21.00,
херек кырында – 17.30
Садар өртээ – 4 рубль.

Политика болгаш амыдырал

КУЛЬТУРА АЖЫЛДАКЧЫЛАРЫ-БИЛЕ УЖУРАШКАН



Майның 26-да С.Пюрбю аттыг Улусчу чогадылга төвүнге Россия Федерациязының Федералдыг Хуралының Күрүне Думазының депутаттары — Культура таласы-биле комитетинин даргазы Иосиф Кобзон, ооң оралакчысы Чылгычы Ондар, комитеттин кижигүнү Александр Фоменко, Күрүне Думазының Культура таласы-биле комитетинин аппарадының удуртукчузунуң оралакчысы Елена Сизова, Күрүне Думазының ажил-чорудулгазының организациязын хандыра таласы-биле эргелелдин консультанты Тамара Волкова олар республиканың культура ажилдакчылары-биле ужурашкан. Москвадан хүндүлүг аалчыларны ТР-ниң Чазак Даргазының бирги оралакчысы Александр Брокерт, ТР-ниң культура болгаш сүлде-сүзүк сайзыралының сайыды Зоя Самдан олар уткуп алган.

Чыылган чон-биле ужуражыр бетинде И.Д. Кобзон фойеде делгээн ус-шевер мастерлернин холбиле кылган кылыгыларының делгелгезин сонургап көргөн. Чинчиден кылган каасталгалар, абытың дериг-херекселдери, чонар-даштан кылыглар, даараан национал идик-хеп аймаа, национал хөгжүм херекселдери дээш, чүнү ында чок дээр. Тываның уран-шеверлериниң ажилдарын аалчы магадап, аңаа бедик үнелелди берген.

Зал долу чыылган чон-биле Иосиф Давыдович мынчаар чугаалажып эгеледи: —Тываның ыдыктыг черинге силер бүгүде-биле ужуражыр аас-кежиктиг болганы-выска өөрүп тур бис. Эки кижилер-биле ужуражып, аралажып чугаалажыры өөрүнчүг болбас аргажок. Москвага кабинетке олуруп алгаш, чагаалажыры аңгы херек, а хол тутчуп мендилежи, карактарыңа көржүп алгаш чугаалажыры көңгүс өске херек-тир. Мындыг ужуражылгалар кижиге дыка хөйну бээр, сөс чокка хөйну кижиге көрүп, билип алыр боор-дур. Хүндүлээчел тыва чонга, ооң

удуртукчуларыңа өөрүп четтирдивис.

Силер-биле ужуражыр мурнунда фойеде делгелгени далашбиле-даа бол, көрдүвүс. Кайгамчык-тыр. Чоннуң национал устывыжын хөгжүдери чугула айтырыгларының бирээзи. Улусчу устывыш – чоннуң байлаа-дыр. Ону чидирер эргевис чок. Ону салгалдан салгалче дамчыдар ужурулгус бис. Чинчиден каасталга кылыглары кылып турар херээжен мастерден (Ханды Байыровна Сайыноол) кым ону өөредип каанын айтырдым, авазы өөреткен-дир, ам боду уругларың өөредип турар. Ол өг-бүлениң ус-тывыжы болуп турары ол-дур. Ол чаңылды чидирбейн, салгалдан салгалче дамчыдып чорууру – аас-кежиктир.

Харалаан, 1990-91 чылдардан бээр билдингир чылдагааннарның уржуундан улусчу ус-тывыштын деңгели кудулаан. Ол теманы В.В. Путин-биле ужурашкаш чугаалаштывыс. Ооң түннелинде Москвага бир дугаар улусчу ус-шеверлерниң делгелгези болуп

эртти. Улусчу ус-тывыштын салым-чолун шиитпирлеп болур удуртукчулар ону сонургап кээп көрбези кончуг хомуданчыг-дыр. Чоннуң байлаа болур уран-шевер ус-тывышты сайзырадыр дизе хөй-хөй делгелгелерни кылып, бүгүде көргүзүп, сайгарып, пропагандалаар ужурулгус. Ынчангаш Москвага уран-шевер ус-тывыштын төвүнүн тудуун тудар сорулганы салып тур бис. Ындыг төп туттуна берип, ажылгала кире бээр болза, ол бүгүнүң садып-сайгарылгазы база аңаа чорутунар-ла болгай.

Силерниң чаңгыс чер-чуртуунар Чылгычы Чимит-Доржуевич Ондарның эгелээшкини-биле Тывада чедип келгенвиске өөрүп тур бис. Ооң ачызында бо бүгү чараш чүүлдерни көөр, эки чон-биле ужуражыр аргалыг болганывыс ол. Силер бүгүдениң амыдырал-чуртталга, ажил-ижинер-биле таныжып көргөш, болур-чогуур дуза, деткимчени көргүзөр апаар бис. Ынчангаш баштай-ла меңээ сөс берген ажыы чок боор, баштай силерни дыңнап алыин, ооң соонда мен чугаалаай мен аан.

Хүндүлүг аалчының саналын чүүлдүгүнүп, ТР-ниң Чазак Даргазының бирги оралакчысы Александр Брокерт сестү ТР-ниң культура болгаш сүлде-сүзүк сайзыралының сайыдының хүлээлгезин күүседип турар Зоя Самданга берди.

—Хүндүлүг Иосиф Давыдович, үе-шак эрттирип, узун доклад номчуп турбазы-биле силерге бо документиленни хүлээдип бээрин чөпшээрер көрүнер.

(Уланчызы 6-гы арында).



Чизе

СУРТААЛ АЖЫЛЫНДАН ХАМААРЫЛГАЛЫГ

Июль айда болур Бүгү-россияның көдээ ажил-агыг чизези (БРКАЧ) хөй-ле улуска айтырыглар тургузуп кээр чадавас.

Ындыг болур ужурулгуд-даа, чүге дээрге Россияга көдээ ажил-агыгның ындыг санаашкыны сөөлгү катап 1920 чылда, а бистиң республикага 1931 чылда болган.

Чизе чорударыңа харысалгалыг организация – Тывастат ам болур чизеге хамаарыштыр кандыг-даа айтырыгны салып болур 1-24-30 дугаарлыг телефонну чурттакчы чонга ажыткан. Долгаан кижиниң адын кым-даа айтырбас.

Чизениң кол сорулгазы чүгле ону «чедишкинниг» чорудары эвес, а көдээ ажил-агыг бүдүрүлгезиниң амгы боттуг байдалын билип алырының чугулазында бооп турар.

А боттуг байдалды чүгле шын сан-чурагайларны алганда кылып болур, ону чедип алырда чизелээшкин кылып турар улуска чоннуң долу бүзурели бар турда болдунар. Ынчалза-даа ниитилел оларның сонургалдарын камгалап турар күрүнеге болгаш эргедураал тутканнарга долузу-биле бүзүрээр ындыг байдал чедип алдынмаанындан берге айтырыглар тургустунуп турар.

Оон аңгыда чер-черлерде чурттакчы чон ортузунда медээ-

тайылбыр ажилының маажым чоруп турары база кичээндирип турар. Чаңгыс сөс-биле чугаалаарга, чизелээшкинниң чедиш-кинниг чорудулгазы кожуун-суму чагыргаларының суртаал-пропаганда ажилындан кончуг хамаарылгалыг.

Тывастат болгаш БРКАЧ-2006-ның таласы-биле штаттан дашкаар албан чери бо хүн-нерде 2006 чылдың июль 1-25 хүннеринде чизе болур кожуун-нарже чизе документиленни чорудар айтырыглары шиитпирлеп турар.

Улуг-Хем, Чаа-Хөл, Терехөл, Кызыл, Чеди-Хөл, Каа-Хем, Бии-Хем, Таңды, Тожу кожуун-нарынче болгаш Ак-Довурак хоорайже документиленни чедиртинген.

А 2006 чылдың октябрь 15-тен ноябрь 15-ке чедир чизе эртер кожууннарже документиленни дараазында чорудар.

Тывастаттын специалистерин болгаш БРКАЧ-2006 таласы-биле штаттан дашкаар албан чериниң ажилдакчыларын тускай программа езугаар өөредир уламчылавышаан.

Июнь 7-де инструкторлар тестилиг хыналданы эртер, а июнь 19-та – чизелээшкинниң тускай документиленни боттары долду-рар чизелекчилер, райстаттарның кол специалистери болгаш көдээ ажил-агыг организацияларының төлээлери эртер.

Интернеттен алган.

СПОРТ СПОРТ СПОРТ ПАМИРНИҢ ШЫПШЫЫНЧЕ

ТР-ниң Күш-культура болгаш спорт агентилели бо хүн-нерде коллегия хуралыңа шиитпир хүлээп алган. Ол езугаар Памирде далай деңгелинде 7134 метр бедик «Ленин» шыпшыынче эң баштайгы тыва экспедицияны чорудары көрдүнгөн.

Сөөлгү чылдарда тыва альпинистер Красноярск хоорайның альпинистери-биле кады дагларже үнүүшкүннери кылып эгелей берген болгаш, олар чаа төлевилелди кады ажылдап кыл-

ганнар. Төлевилелдин боттанышыны бо.

Памир шыпшыынче эң баштайгы тыва экспедицияның үнүүшкүнү июль айның төңчүзүндөн август ай төңчүзүнге дээр үргүлчүлээр. Экспедицияның ашкандырышыны деткичилер дузазы-биле чоруттунар. Амгы хүннерде эң баштайгы тыва экспедицияның командазына кирер кижигүннерни тодарадып турар.

ТР-ниң Күш-культура болгаш спорт агентилели.

2006 чылдың ийги чартык чылында «Шын» солунга чагыдылга май 31-ге чедир уламчылаар

Чагыдып алырынче далажыңар!

Хүндүлүг чонувус!

«Шын» — Тывага төрөөн дылывыска үнгөн баштайгы солун. Хөй чылдарның дургузунда Тываның бурунгаар хөгжүлдезиниң социал-экономиктиг, культура айтырыгларын чедишкинниг шиитпирлээринге ооң кириген үлүү улуг. Амгы демократтыг чаартылгаларның, сестүң хоштуунун, рынок экономиказының бурунгаар хөгжүлдезиниң үезинде солун

республиканың политиктиг, экономиктиг, социал амыдыралын доктаамал чырыдып келген. Ол ышкаш номчукчуларның чагааларын тускай арыннар кылдыр үндүрүп турар. Бо чугула ниитилел-политиктиг солунну 2006 чылдың ийги чартында чагыдып алырын өг-бүлелерге, бүдүрүлгелер, организациялар удуртукчуларыңа сүмелеп тур бис.

Ийги чартык чылда чагыдылганың өртээ:

Хууда чагыдыкчыларга — 339 рубль.

Пенсионерлерге (чингелделиг) — 299 рубль 48 көп.
Организацияларга — 379 рубль 02 көп.

Үш айда:

Хууда чагыдыкчыларга — 169 рубль 50 көп.

Пенсионерлерге — 149 рубль 73 көп.
Организацияларга — 189 рубль 51 көп.

Кызыл хоорай чагыргазының кичээнгейинге

Ийи чыл бурунгаар Кызыл хоорайның үндезлеп тургустунганындан бээр 90 чыл болган оюн демдеглер эрттирениң бетинде Тыва Республиканың Чазааның тускай көрдүнгөн планы-биле Кызыл хоорайның чаагайжыдылгасынга болгаш ооң чаартылгасынга улуг ажилдар кылдынганын республиканың чону билер. Ону кылып чорударынга яамылар, ведомстволар, албан черлери, сайгарлыкчылар дээш, кымнар киришпээн дээр боор. Хоорайывысты ол хевээр арыг-силиг тудуп көрээлиңер деп күш-ажылдың хоочуннары бистиң редакцияже бижип турдулар.

Ам хоорайывыстың «арын-шырайы» эки талаже эвес өскерлип бар чыдар апарган. Аштап-арыглап каан боктарның орнунда чаа боктар көстүп келген. Оон бээр чүгле ийи чыл эрткен

оруктарга чүү-даа кылдынмаан. Бо оруктар талазы-биле редакцияга хоорайның чурттакчы чонундан хөй чагаа кээп турар. Оларның шуптузун солунга парлаары болдунмас болганы-



чүве-дир ийин. Бир эвес хоорай чагыргазы дарый дээштиг хемчег албас болза, хоорай ийи чыл бурунгаар турган эрги хевиринче кирер дей берген.

Кызыл хоорай—Тыва Республиканың найысылалы, эртемниң болгаш культураның төвү болур. Ынчангаш ол онзагай байдалга турар ужурлуг. Иштикиден болгаш даштыкыдан келген аалчылар Кызыл хоорайдан республиканың «арнын» көрүп алыр ужурлуг. Ынчангаш ол — онзагай кичээнгейге турар ужурлуг дээрим ол-дур ийин.

Кызыл хоорайда эң-не бергедеп турар айтырылгарга — хоорайның иштинде аргыжылганың автооруктарын хамаарыштырып болур. Шынын чугаалаар мен, кажан Кызыл хоорайның 90 чыл болган юбилейин демдеглер эрттирип тургаш, хоорай иштинде аргыжылганың автооруктарын доозазын септеп чадап каан чүве, чамдык кудумчуларның ойбак черлерин чүгле асфальт-биле «чамап» каан дээрден башка. Эрткен ийи чыл иштинде ол

биле, хоорайның автооруктарын хайгаарап көөрү-биле рейд жеки-гүннери үнүптүвүс. Бир дугаарында, республиканың Хергелекчилер нитилелиниң бараанны мөөңү-биле садар рыноктуң девискээринге келдвис. Загородный биле Мира кудумчунуң белдиринде (чурук №1) асфальтылап каан оруктуң машина эртер аргажок кылдыр үрелгенинден, машиналар ийи талазындан чадаг улус кылаштажыр черлеп оюп эртип турар болду. Чанында ногаа садып турар садыгның садыгжызы машиналар шуут улус кылаштажыр тротуар-биле халы-

жып эгелей бээрге, ону борбак бетоннар бузундузу-биле дуй салып алган.

Мира кудумчунуң чурттакчызы Марина Хомушкунуң чугаалап турары-биле алырга, кыжын машиналар орук-биле эвес, а улус кылаштажыр тротуар кыры-биле халыжып кыштаан. Ол хамаанчок чурттакчы бажынарның эжиниң аксы-биле чоруп туруп бээрге, оон-моон даш дилеп, ону дуй салып турган болдулар. Бараанны мөөңү-биле садар рыноктан республиканың шупту сайгарлыкчылары кээп садыглап турар болгай. Хүнде бо рынокка та чеже машина келир чүве, кижин бодаарга, ооң девискээри онзагай байдалга тургу дег. Ниитизи-биле Загородный кудумчунуң ужундан бажынга чедир септелге ажилдарын дарый чорудары негетинип келген. Бистиң кожавыс Абаканны көрүңер даан, оларның рыноктарының иштинин, даштының арыг-силиг деп чүвезин.

Кызыл хоорайда эң нарын



байдалда хавак кырында Оюн Күрседи кудумчунуң хамаарыштырып болур. Бо кудумчунуң эгезинден төнчүзүңге чедир оюкчирик черлер эндерик (ону №2 чуруктан көрүп болур силер). Ол кудумчунуң чурттакчыларының чугаалап турары-биле аңаа каш чыл иштинде кандыг-даа септелге ажилдары чоруттунмаан бооп турар. Машиналар № 5 чунар-бажының чанындан ыңай асфальтылап каан орук-биле чоруур арга чок боорга, машиналар улус кылаштажыр черлер-биле (бо кудумчуда тротуар кылдынмаан) халыжып турар. Кудумчуга кандыг кижилер чорбас деп бодаар силер. Кончуг улуг айыыл мында

тургустунуп турар.

Оон чорааш, Оюн Күрседи кудумчунуңдан эеп баткаш, Каа-Хем кудумчунуң кирип кээ-ривиске асфальтылап каан автоорук дал ортузундан чарлып чоруй барган болду. (Чурук № 3). Бо орукту чоокку чылдарда асфальтылап кылган чүве, ынчалза-даа автооруктуң чиндичейнип турар тулаада турар участогунуң төлевилелин шын эвес кылганындан, септеп кылыр хуусаазынга четпейн үредип эгелээнин орук талазы-биле тускай эртемниг специалистер чугаалап турду.

Кызыл хоорайда чаа төлевилел-биле кылдынган кудумчуга Калинин кудумчугу хамааржыр. Кудумчу кончуг делгем, чараш болгаш ийи талазыг шимчээш-кинге таарыштыр кылганы-биле дыка көрүштүг көстүп турар. Кижилер кылаштаар тротуарны безин кылып кааны дыка эки. Ол кудумчунуң Бай-Хаакская кудумчунуң белдиринден куду бадыптарга, кидирээш дээрге машина дүрген чоруур аргажок (чурук № 4). Хоорайда эң улуг шимчээшкениң кудумчуларның бирээзи болгай, ону дарый септеп кылыры негетинип келген.

Кызыл хоорайда Ленин, Кочетов, Кызыл партизаннар, Щетинкин-Кравченко, Тыва эки турачылар кудумчулары мүн-не чүгээр байдалда. Бо кудумчуларга ийи чыл бурунгаар капитал септелгени кылган болгаш, ындыг байдалда турары ол-дур. Хоорай ортузунда Тыва эки турачылар кудумчугу биле Дружба кудумчунуң белдиринде азы Дружба

улуг айыылды тургузуп турар. Мындыг байдал каш чыл иштинде туруп келген. Интернациональная кудумчугу-биле Кочетов кудумчунуң белдиринде Дом быта бажынының чанында хоорай ортузунда оюк-чирик черлер шуут эндерик. (Чурук № 7).



Бистер хоорайның эң хөй шимчээшкениң хөй машиналар, пассажирлер аргыштырып турар автобустар халыжып турар кудумчуларын чижекке кирип турарывыс ол. Бир эвес хоорай кыдыынче үнүп азы хоорайның чөөн чүк талазынче барып база хоорайның хем ол чарында кудумчуларга четкен болзувусса, байдал моон дора болур дээрзин баш удур сагындырып каайн.

Он беш чыл бурунгаар турганга бодаарга, хоорай иштинде бо хүнде чоруп турар чиик машиналар ийи катап көвүдээн дизе частырыг болбас, даштыкыдан келген дээш, кандыг марканың машиналарын чок дээр боор. Ындыг машиналарга бир дугаарында таарымчалыг орук херек дээрзи билдингир. Хоорайның чамдык кудумчуларынга он беш чыл иштинде кандыг-даа септелге ажылы чорутпаанындан ам шуут ажыглаар аргадан үнүп, асфальтылыг орукту оюп, чадаг улус кылаштажыр оруктар-биле машиналар халыжып турар апарганы — шуут коргунчуг апарган. Орук талазы-биле тускай эртемниглерниң чугаалап турары-биле алырга, асфальтылап каан автоорукка 7-8 чыл болгаш капитал септелгени чорудар ужурлуг дээр болду.

Хоорай иштинин автооруктарынга орук шимчээшкениниң демдектерин чурумчудары негетинип келген, чадаг кижилерниң

кудумчунуң үстүнче көрүнгөн талазында оюк-чирик черлер эндерик (чурук № 5).

Хоорайда эң узун болгаш хөй шимчээшкениң кудумчуга — Рабочая кудумчунуң хамаарыштырып болур. Бо кудумчунуң Комсомольская кудумчугу-биле белдиринде чиик машиналар эртер аргажок байдал тургустунуп келген (чурук № 6). Кайы-даа таладан келген машиналарның каржып эртеринге



Чидиг айтырыг



ОНДАКТЫГ-МА АПАРГАН

кежер оруктарына орук демдектерин база салыры чугула. Борта чижек кылдыр төп рыноктуң арты талазында Тыва эки турачылар кудумчузу биле Рабочая кудумчунуң белдинге чадаг кижилер кежеринге демдекти кылыры чугула апарган. Чүгө дээрге, бо кудумчуда машина шимчээшкини дыка улуг, ийи талазында, чадаг кижилер хөйүбиле аргыжып турар. Бир чылын бо орукка бичи өөреникчи оолду чик машина бастырган болгай. Оон безин кандыг-даа түңнел үндүрбээн.

Хоорай иштинде аргыжылганын автооруктарының байдалына хамаарыштыр эрткен чылын ТР-ниң Чазак Даргазы Ш.Д.Ооржак дорт телеэфирге соңгукчуларның айтырларына харыылап турда бо айтырны база салган болгай. Чазак Баштыңы: «Хоорай иштинин автооруктарының септелгези хоорай чагыргазынга хамааржыр» деп харыылады.

Бо-ла тургустунуп келген айтырыг талазы-биле Кызыл хоорай чагыргазының даргазының амыдырал хандырылга талазы-биле оралакчызы И.Ю.Грейсеровка четтим. Хоорай иштинин автооруктарына хамаарыштыр Игорь Юрьевич мынча деп чугаалады:

— Хоорай иштинде автооруктарның байдалы дыка бергедээн дээрзин билип турар бис. Моон мурнунда хоорай чагыргазынга ажилдап турган кижилер ол оруктарже кандыг-даа ки-чээңгей салбайн келген. Ийи чыл бурунгаар хоорайның юбилейин таварыштыр оруктар талазы-биле дыка хөй ажилдарны кылган бис. Эрткен чылын республика-даа, хоорай-даа бюджетин бадылаарына тургустунуп турган шаптраазыннар-биле холбаштыр улуг ажилдар кылдынмаан.



руптаан. Кажан хоорай чагыргазынга Д.К. Донгактың командазы келген соонда, эвээш-биче-даа болза ажилдар кылдынып эгелээнин демдеглээри чугула.

Кызыл хоорайның иштики автооруктарын чүгө хоорай чагыргазының бюджетинде кылыр дээр болза, ол канчап-даа болдунмас. Оруктар ол хире баксырап келген. Бо айтырыгга Тыва Республиканың Чазаа киржип, тускай доктаалсаавырыны хүлээп алгаш яамыларны, ведомстволарны, бүдүрүлгелерни, оон иштинде хуу биче бүдүрүлгелерни, байшылдыг сайгарлыкчыларны кириштирип тургаш, бир дембиле кылып чорудары негетинип келген. Бир эвес ынчаар хөдөлбөс болза, бо оруктарны кылып, септеп доозары бергедээн.

Кызыл —Тыва Республиканың найысылалы, республика деңнелдиг улуг бүдүрүлгелер шупту хоорайда турар болгай. Чазактың удуртулгазы-биле бир демниг хөдөлүр болза, чүнү-даа кылып апарарга бар. Сөөлгү чылдарда Тываның арыг агаарын, аржаан сугларын, кайгамчык чараш бойдус чурумалын сонургаан даштыкы туристерниң кээри көвүдеп турар апарган болгаш Тывага туризмни сайзырадыр талазы-биле улуг ажил чоруп турар болгай. Республика найысылалы мындыг байдалга турарга таанда чаржынчыг-дыр.

Сергей ХЕРТЕК.

Василий Балчий-оолдун чуруктары.



Бо чылын ТР-ниң Көдээ ажил-агый болгаш аьш-чөм яамызы 20 муң гектар шөлдүң черлик конопказын узуткаарын планнап турар.

Статистика талазы-биле медээлерден алырга, эрткен чылын Тывага конопля-биле холбашкан 266 кем-херек үүлгедиглери болган, 362 кг наркотиктерни хавырган, 40 кижичи шиттирген. Бо чылын 73 кем-херек үүлгедиглери болган, кеземче херээңге 54 кижичи онашкан. Наркотиктер сайгарылгазынга контроль талазы-биле РФ-тиң Федералдыг албанының Тыва Республика талазы-биле эргелелиниң начальнигиниң ора-

тиниң айыыл чок чорук чөвүле-линге болгаш наркотиктер сайгарылгазының контролонуң талазы-биле Федералдыг албанының Тыва Республика талазы-биле эргелелинге 2006 чылдың октябрьга Чедир ведомстволар аразының комиссиязының ажилының планын ажилдап кылыр болгаш ону чурттакчылыг суурларны баштыңнары-биле дугуржурун дааскан. «Чурттуң Президентизи В.В.Путинниң, РФ-тиң Чазааның

Амыдырал-чурттаарының үндезини апаар бе?

лакчызы О.О.Пирингилениң чугаазы-биле алырга, ол ИХЯ-ның медээлериниң учеду чокка кириген саннар болуп турар, бир эвес ону айыткан болза, бо саннар оон-даа хөй болуп болур. Эң-не дүвүренчиг чүвө, 25 харга чедир аныктарның наркотиктер ажыглаарының көвүдеп турары, наркотиктерниң хемчээли хөлүн эрттир ажыглаанын кижилерниң өлүр чоруу көвүдээн. О.Пирингилениң чугаазы-биле алырга, 2004 чылда хүлээп алган хоойлужудулга хөлүн эрттир чымчак болуп турар, ынчан РФ-тиң Чазааның доктаалы-биле 1 грамм героинни бодунга апарурун чөпшээрэн турган. Чүгө бо чылын федералдыг төп наркотикке удур хоойлужудулганы шыңгырадыр дугайында шийтирлени хүлээп алган.

Тывага наркотик сайгарылгазы-биле демиселдин айтырыгы эң-не чидии-биле тургустунуп турар. Көдээ ажил-агый болгаш аьш-чөм яамызының сайыды В.И.Лавриненконуң медээзи-биле алырга, бо чылын 20 муң га черлик черлик конопказын узуткаары көрдүнүп турар. Орта химиктиг, агротехниктиг, хол-биле кезериниң шупту аргаларын ажыглаар. Ол ажилды системалыг чорудары-биле кожууннарга, Ак-Довурак болгаш Кызыл хоорайларга штабтары тургузар болгаш хоралыг химиктиг бүдүмелдер-биле Көдээ ажил-агый болгаш аьш-чөм яамызы дузалаар. Сайыттың чугаазы-биле алырга, эрткен чылын черлик конопказын узуткаар талазы-биле чамдык кожууннар планын боттандырбаан, а Каа-Хем, Бай-Тайга, Би-Хем кожууннар бердинген планын ак сеткилдиг күүсеткен. Ветеринария болгаш фитосанитарлыг хайгаарал талазы-биле федералдыг албанының Тыва Республика талазы-биле эргелелиниң чоруткан хыналдазының көргүскени болза: дыка хөй кожууннар конопля-биле демиселдин ажилының түңнелин агаардан көвүдедиктен таварылгалар бар, тодаргайларга, Улуг-Хем, Чөөн-Хемчик, Чаа-Хөл, Чеди-Хөл, Барыын-Хемчик кожууннар, Чөөн-Хемчик кожууннуң чамдык сумуларына конопля узуткаар ажилды шуут чорутпаан бооп турар. Оларга хамаарыштыр, ТР-ниң Чазак Даргазы Ш.Д.Ооржак хоойлуда көрдүнгенин езугаар, кеземче харыысалгазын онаарына чедир шыңгы хемчегни алырын чокта чаа болган хуралга демдеглээн.

Чазак Баштыңы ТР-ниң Чазак Даргазының чанында Хөй-ни-

талазыдан амгы үеде бо айтырыг талазы-биле чижек-ерге-хоойлу актызын шыңгыраткан политиканы чорудуп турар, эрге-хоойлу органның штанын быжыглар талазы-биле дыка хөй акша-хөрөңгини үндүрүп берип турар. Силерниң-биле бистиң сорулгавыс — тус черлерде наркотикум талазы-биле демисел чорудар ажилды ак сеткилдиг организациялары-биле болур. Ниити Россияның талазы-биле болгаш Сибириниң өске регионнарына бодаарга, Тывага наркоманнарның саны эвээш-даа болза, ол айтырыг бисте чидии-биле тургустунуп турар» деп, Чазак Даргазы Ш.Д.Ооржактың хуралга демдеглээни дыка чөптүг.

Бир эвес бис бөгүн черлик конопля-биле шыңгы демиселди чорутпас болзувусса, ол дарта орайтап болур. Бодап көрүңер даан, ТР-ниң Иштики херектер яамызының кем-херек үүлгедиглери талазы-биле неделя санында берип турар медээзинде наркотиктер-биле холбашкан кем-херек үүлгедиглери үзүлбейн турар. Шыны-биле чугаалаарга, көдээ черлерде чурттап турар чоннуң хөй кезин ажил чок. Ынчан кээрге, черлик конопля чамдык кижилерин амыдырал-чурттаарының үндезин апарганы коргунчуг. Ажы-төлүн ашатпас дээш кижичи оорланырындан эгелээш, чүнү-даа канчап болур, ынчангаш ол кончуг чидиг социал айтырыг-дыр.

Ону чаңгыс бо хун шийтирлеп апарыштыр бис. Бир эвес черлик конопказын узуткаар дээр болза, орта хамаарылгалыг яамылар, ведомстволар шупту киржир ужурлуг. Наркомания — кончуг чидиг социал айтырыг-дыр. Сөөлгү чылдарда бо хамчык аныктар ортузунда непереп турары улуг айыылды тургузуп турар. Бо айтырыг талазы-биле чокта чаа ТР-ниң Чазааның эрттирген селектор хуралына Чазак Баштыңы Ш.Д.Ооржак хамаарылгалыг яамыларга, наркотиктер сайгарылгазынга контроль талазы-биле РФ-тиң Федералдыг албанының Тыва Республика талазы-биле эргелелинге, кожууннар, хоорайлар чагыргаларына тодаргай даалгаларны берип, оон хуусаазын безин айыткан турган болгай. Чазак Баштыңының бо берген даалгазы саазын кырынга чытпайн, амыдырал кырынга ботаныр чүвө болза, дыка хөй анык кижилерни ол «хамчыктан» камгалап апарурун аргазы бар.

Сергей ХЕРТЕК.

